



Inatsisartunut ilaasortaq
Anthon Frederiksen
Partii Naleraq

**Kujataani provstitut atorfiup atorunnaarsinneqarnissaanik eqqarsaatigineqartoq
kiisalu Kalaallit Nunaanni ilagiinnik sullissineq pillugit § 37 naapertorlugu
apeqqummut nr. 249-mut akissut**

25-10-2016
Sagsnr. 2016 - 15574
Dok. nr. 3806388

Postboks 1029
3900 Nuuk
Tlf: +299 34 50 00
Fax: +299 32 20 73
Email: iiknn@nanoq.gl
www.nanoq.gl

Asasara Anthon Frederiksen
Kalaallit Nunaanni ilagiit pillugit apeqqutinnut Naalakkersuisut qutsavigaatit.
Akissutissamut atugassanik paasissutissanik Naalakkersuisut biskoppeqarfimmit
pissarsipput.
Apeqqutitit ataani akineqarput.

Apeqqutit:

- 1. Ilumoorpa nunatta kujataani provsteqarfik atorunnaarsinniarneqartoq?**
- 2. Ilagiit nunatta sineriassuani, avannarpasiinnerpaami, nunatta kujataani tunumilu palaseqarnikkut, ajoqe qarnikkut oqaluffinnilu pattattoqarnikkut kiffartuunneqarnerat ullumikkut qanoq inissisimava?**
- 3. Naalakkersuisut ilagiit lutherikkuusut ullumikkorniit pitsaanerusumk sullinneqarnissaat anguniarlugu qanoq iliuuseqarniarpat?**

Akissutit:

1 pillugu:

Nunatta kujataani provsteqarfik atorunnaarsinneqassappat ilagiit pillugit Inatsisartut inatsisaat nr. 9, 19. maj 2010-meersoq allanngortinneqartariaqarpoq, Naalakkersuisullu taamatut allannguissamik maannakkut sulissuteqanngillat.

2 pillugu: Maannakkut palasitut atorfiit 27-t akuerineqarnikuupput, biskoppitut atorfik ataaseq provstitullu atorfiit pingasut ilanngullugit. Taamatut atorfinnik amerlassusiliinermi 21-t inuttaqarput. Tamassuma saniatigut ajoqit qaammammusiallit ilinniarsimasut 37-upput ilinniarsimangitsullu 20-ullutik, ajoqinullu taartaasut ilinniarsimasut aqqaniliupput ataaserlu ilinniagaqartuunani. Oqaluffinni pattattartut katillugit 24-t qaammammusiaqartuupput 18-illu taartit atorfeqarlutik.

Naalakkersuisut tamassuma saniatigut ilisimatitsissutigisinnaavaat palasitut atorfiit inuttaqanngitsut pingasut maannakkut inuttassarsiuunneqartut, pineqartullu tassaapput Palaseqarfik Upernavik, Palaseqarfik Nanortalik aamma Palaseqarfik Ittoqqortoormiut.

3 pillugu: Naalakkersuisut imatut paasivaat, pitsanngorsaanissami pineqartoq tassaasoq ajoqit oqaluffinnilu pattattartut amerlanerusut. Ajoqit oqaluffinnilu pattattartut ingerlaavartumik ilinniartinneqartarput. 2016-imi ukiup affaani siullermi inunnik oqaluffinni pattattartuunermik soqutigisaqartunut illoqarfinni assigiinngitsuni pingasuni immikkut pikkorissartitsinerit biskoppeqarfiup aamma aallartinnikuuai.

Ilaatigut ilagiit sinniisaannut atugassaritinneqartut apeqqummi pineqarpata, § 37 naapertorlugu apeqqummut 292-imut 2015-imeersumut kiisalu § 37 naapertorlugu apeqqut nr. 49 2016-imeersoq innersuussutigineqarput.

Naalakkersuisulli suli isumaqarput, ilagiit ingerlaannarnissartik ineriartornissartillu tamatigut suliniutigisaraat.

Inussiarnersumik inuulluaqqusilluta



Nivi Olsen